

重修四川通志

卷四十四

四川通志卷四十四

輿地志

四十三

陵墓

周禮冢人掌公墓之地辨其兆域而爲之圖以爵
等爲邱封之度與其樹數又有墓大夫掌凡邦墓
之地域爲之圖令國民族葬而掌其禁令正位辨
等請度涖窆重其事也然非生時功德在人聲華
照世雖下錮三泉旁置萬畝代遠年湮其不蕪沒
於榛莽者幾希矣蜀自蠶叢教織杜宇訓農其邱

隧猶存爲蜀人所嚮仰至昭烈比德高光重興炎
祚惠陵漢廟赫聲濯靈凡舍生負氣者俎豆尸祝
如瞻日月焉其一時重臣名將以及書冊所紀歷
代忠孝節烈之偉策勛業而能文章者佳城鬱鬱
靈爽式憑過墟生哀動人景慕亦猶桺下有禁樵
之壟廣川畱下馬之陵也志陵墓

成都府

成都縣

附郭

古蠶叢氏墓在縣西南墓在縣西側金花橋東

蜀王開明墓在縣西北武擔山下

附宋陸游行武擔有感詩騎馬

悠然欲斷魂
春愁滿眼與誰論
市朝遷變歸蕪沒
礪谷餘骸互吐吞
一逕松楠遙見寺
數家雞犬自成村
最憐高冢臨官道
細細煙莎遍燒痕
原注云
有大家高數丈
旁又一冢差小
莫知何代人也
俗號太子墓

漢許靖墓在縣西南七里

趙典墓在縣西竿橋側有二石闕

晉李雄墓在縣北七里

五代王建墓在縣西郭有二石幢

宋陸游渭南集後陵永慶院在大西

門外不及一里蓋王建墓也有二石幢猶當時物
又有太后墓琢石爲人馬甚偉附詩陵闕淒涼俯

舊邦恨流滾滾似長江穿殘已歎金鳧盡缺落空
餘石馬雙攪飯飢烏占寺鼓避人飛鼠上經幢阿
和乳臭崇韜耄堪笑昏童束手降

孟知祥墓在縣北二十里

一統志在成都縣北二十里又什邡縣龍居

山龍潭右亦有知祥墓

宋陳咸墓在縣北五里

范家墓在縣北積善里范鎮范百祿祖墓也

明蜀獻王墓

蜀靖王墓俱在縣北三十里天回山

悼莊世子墓

崇慶王墓俱在縣北十八里威鳳山

何教授夫婦墓在府學明倫堂西獻賊陷成都教授夫婦同殉難葬此名氏無攷

華陽縣

附郭

漢昭烈帝惠陵在縣西南八里旁卽漢廟

國朝張德地碑記凡聖主肇興必於古帝王陵寢遣官致祀所以重一代之君也雖德業隆替多有不一運祚之修短每有不齊然而君臣會合創業垂統其求爲可繼之懷未嘗不思貽謀燕翼爲一日萬年之計而究竟不能必其齊一者則亦數之有幸有不幸耳余於漢昭烈不能不深致慨焉方其以布衣崛起遂欲力振炎漢一時英雄蜂聚雖九州之地人有其七我無其一乃由遐陬而啟雄圖竟

陵墓

成都府三

命撫蜀

峙三分之鼎以承大漢之祀苟非精義入神知人則哲曷克臻於此乎其君臣大烈載在史乘無庸復贅但遡厥始事關張實倚股肱卧龍迺資輔弼集一代之人豪盡歸羅網因而底定西南震疊諸夏匪後代之主所易幾也况君臣身後威靈經十秋萬歲愚夫愚婦靡不浹洽眞若懸日月於中天又豈區區人力可易致耶余奉

馬遂芟荆誅棘逞瞻拜之徘徊良久雖鹿走草萋而陵寢無恙且祠側碑記猶存余拂拭讀之則裴中立撰文而柳子寬書丹也後人遂以雙絕紀之噫嘻西蜀自罹獻逆焚戮萬物悉化焦土卽王公墳墓莫不掘毀無遺獨昭烈一家歷久常存巍然如故且與名公碑記並垂不朽使非其英靈不泯沒世難忘又安能保千餘年後晏然無恙若此是又不可以數之有幸而不幸而論也矧今日者西蜀之土地人民所賴以呵護周全誰無木本水源之思耶余因捐資命成都守重修厥坊以表其陵

載立之碣以紀其蹟仍飭守僧勿使樵子牧夫敢
有或邇將以仰體

聖天子

崇重歷代君王至意焉爰書數言以弔之至士正
詩萬里登高日橋山白露寒至今悲蜀帝何處問
祠官杳杳衣冠閉淒淒封樹殘錦江非渭水猶作
霸陵看高繼本詩崑崙大脈肇鼻祖禹憑疏鑿判
水土岷嶓既藝江漢行西南奧衍開天府魚鳧望
帝不可求開明禪代都鄆邱中閒亦自爲治亂水
牖山戶何綢繆五丁輓牛牛後竭井蛙躍馬馬中
蹶金甌自壞揖盜來雍尾梁頭通一髮漢鼎三炎
火井紅扶持正統起臥龍當日君臣眞灑落兩朝
開濟光熊熊數堆亂石風雲護白帝江聲猶帶怒
不須銜壁惜降王繼獻增綿四百祚蜀地由來割
據多卯金不與衆同科高帝子孫盡龍準大耳兒
爲神所阿至今祠廟依晴昊古柏森森映階草蒼
玉龜趺二賤鐫行人墮淚薦蘋藻惠陵氣接定軍
山午夜英豈自往還高密文終從二祖一德疇與
三顧班益則土沃民殷阜文翁化後風非舊力田

孝弟忠義明輸誠戴備咸奔走景陵嫡派非他人
闕特建昶豈其倫左思賦蜀肆枉詆與之辨者殊
紛綸我來懷古因論古操真如鬼亮如虎先生原
曰大名垂蜀人藉之氣一吐彭端淑詩閹黨競橫
日漢祚漸夷陵孫曹丈割據宇宙其紛爭魚水君
臣合三分鼎足成吞吳志未就中道倏焉崩疆域
雖一隅正統至今尊巍然陵寢在千秋英氣憑朝
延崇祀典俎豆歲時登風雲常護衛草木亦增榮
疑冢七十二過者誰不憎顧光旭詩南陽諸葛真
名士天下英雄惟使君定霸才應高管樂尊王義
自邁桓文兵戈滿目元黃戰衣帶寒心玉石焚白
帝歸來三峽冷春山杜宇不堪聞天府當年此啟
都州人奉戴進全圖重開巴蜀麾黃鉞直配高光
應赤符丞相出師籌伐魏順平抗疏諫征吳大江
東下荆襄遠翻賊懸軍一將孤三分王業竟偏安
一片荒陵尙鬱盤魚水君臣金殿悶風雲龍虎錦
江寒托孤涕淚埋煙草討賊聲靈動石壇七十二
墳何處所鄴城平後路漫漫

費貽墓在縣東南十九里

向洪墓在縣東十五里

關帝墓在縣南萬里橋側帝歿於吳昭烈以衣冠招魂

葬此

國朝吳省欽漢前將軍華陽墓記鬼神之情狀其精氣聚於廟而墓直以形體故古不墓祭墓之以衣冠始於司馬遷封禪之書又漢時用叔孫通議衣冠藏原廟者月出一遊若以是聚精氣其不得已而號復以葬或所在思慕以日用佩御之物多爲封樹据今考古垂信來葉采風者蓋有責焉今華陽南門外萬里橋之左傳有張桓侯墓考楊慎四川總志無之惟言前將軍關侯墓近惠陵先主以衣冠招魂葬而康熙丁亥楊甲仁碑言巡撫能仁贖於里戶而復之蓋亦幾湮蝕矣按帝以建安十六

年畱鎖荊州二十四年十二月遇害鍾繇尚書宣示帖稱權十月表捷係初據江陵虜士衆妻子時事帝既遇害權以首送曹操以諸侯禮葬其屍見三國志注所引吳歷先主恩若兄弟招魂號復皆情事所有至桓侯遇害在章武元年六月閏中祠與墓曾鞏嘗記其碑而地志失載若帝墓則趙抃成都古今集記序曰荷聖寺有榜曰關公墓後得孟蜀僧仁顯華陽記曾廟在荷聖墓在草場蓋自世代變移地名譌舛如建安五年曹操表封漢壽亭侯屬武陵郡荊州刺史所治至葭萌之改漢壽乃建安十九年先主取蜀後事非帝所領封足跡亦未一至蜀要惟是志在春秋冀復王業不幸爲貉子所禍歷世至今威靈顯燦官立廟則曰武廟與文廟均憶戊子四月省欽撰進加封冊文循故事云其追封爲忠義神武靈祐大帝

上親御丹毫改其字作謹此固

大聖人齊莊中正之盛心而非光日月塞天地之志氣則亦無以致此帝始諡壯繆今

勅諡曰忠義廟祀遍天下神亦如水在地中茲墓之傳雖

不及當陽之墓之著而自宋及今時晦時顯世之
續靈蹟錄文獻集者夫有所徵信也嗚呼兩京四
百年豐沛南陽從龍者里墓渺考先主艱難末造
鼎足僅分帝墓至今傷惠陵東稍南而諸葛武侯
龐靖侯趙順平侯姜平襄侯諸墓遠近布列樵蘇
禁采不期敬而人敬之非直漢澤之深且長抑春
秋之志也而廟貌者能無昭事哉

張桓侯墓在縣南萬里橋側侯爲帳下張達所弑

持其首奔吳昭烈收屍裝首葬此又保寧府治左

亦有墓明宏治中黎典膳築牆四周修祠立石

宋梁子中墓在縣治履賢鄉錦江里
附宋李降銘吾友子中與降居

同鄉年同甲降嘗攝昌元幕而子中治永川有聯
事之舊且爲姻家子中歸休八年降歸自浦來昌

通志
卷四
輿地
陵墓
成都府六

州歡甚每置酒宴聚談笑賡和如是者十年子中
忽感疫其病在手足而精神健數以詩見貽語益
適麗降謂子中雖病而中有不可遏慷慨如平昔
復病作而逝余竊悲之葬有日諸孤以其壻從事
閩州兵曹劉翊之抱狀來求銘義可辭乎子中姓
梁氏伯益後是爲羸趙與秦同祖別封於梁唐有
叔達者從僖宗西行使家於蜀曾祖信隱德不仕
祖義贈銀青光祿大夫檢校祖妣贈碩人缺贈宣
奉大夫妣李贈碩人宣奉公早逝公孤立自少穎
悟初學詩有驚人句兄奇之稍長能屬文冠益自
力焚膏繼晷數年業成試太學元豐初詔用經術
取士公以易學登進士第調遂寧小溪尉令多過
忤公輒規正及解令德之民有訴其長子爲盜所
縊公察其奸呼其母曰二子皆汝出乎曰長子前
母出也公曰盜何以擇長殺之其母色沮辭窮公
疑而問果其母誘殺之其明察類如此移昌州永
川縣令其時邑人未知學公爲闢黌館延他郡文
學之士爲之師邑人感其德再知渠州鄰山縣俗

很健訟公諄諄諭之始變爲禮義之俗於是諸臺
列欵上陳知嘉州洪雅縣縣濱江多水患公爲相
視築隄防數百丈邑民號爲梁公隄至今賴之磨
勘轉奉議郎時部使者聞公治報最於朝如京師
道經西洛樞密蔡公重其經學欲畱之公不就詣
闕再除夔路運管通守夔州遇龍飛恩遷朝奉郎
加勳驍騎尉賜五品太室郎公居缺相鄧公詢缺
時在政府識公器量爭相引薦得旨便殿引見改
除衛尉寺丞旋拜宗正寺丞轉朝散郎加騎都尉
公剛正不阿議鑄崇寧大錢則曰其未必有弊議
引則曰無本則不行抗章待罪乞休致仕獲旨年
纔五十得報喜甚曰淵明不待年而去余何人哉
西歸於所居東偏引流泉植花卉爲軒曰獨樂左
經右史旦暮游息其閒自號爲獨樂先生公平生
無他嗜好善觀書爲文落筆成就婦翁承議郎楊
公咸章以詩名至耄吟詠不輟相與賡酬成集挂
冠歸縉紳之士聳聞其風凡仕於蜀者皆下里門
伏謁爲人景慕如此席公尹成都以公精力強健

上章起復作招隱詩以動其意公確然不奪朝命
繼下堅卧不起時論高之公性至簡淡凜凜可畏
對客論文終日不厭尤喜賑急恤貧初第時王金
陵欲以其弟平甫之子妻之公懼其驕不諾歸娶
左縣金紫李公誼之女宣和七年六月七日卒年
七十有七官至朝請郎累贈中奉大夫原初娶李
氏再娶楊氏子女合九人長天輔次天民天輔上
舍第任從事郎熙河路經畧司幹辦公事天民天
蓋太學內舍生天民先公二十年而卒天瑞從事
郎石泉軍神泉令長女適劉郎狀君行實者次適
進士費輔次適迪功郎漢州雒縣尉李時欽孫男
二人公晚年閒曠著書以自娛有老子解二卷晉
書評三十卷晉鑑十卷注陰符經二卷敘秋韻對
三卷道藏要旨十卷東宮初建公集古今可爲龜
鑑者成書三十卷欲上之未果今家藏焉缺諸缺
年十二月二十二日葬於華陽縣履賢鄉錦江里
宣奉公墓之南遵治命也降嘗謂世遠道散爲士
者不得安義命人人志在苟得馳驅奔走爭嬭權

要賄賂公行風氣日趨於澆薄而莫之禁也公於此時乃能以忠義自許以特操自持不強飭以取容不苟合以徇私乞身勇退於當時其視軒冕如一羽之輕所存誠有大過人者謹敘其事而繼以銘銘曰梁氏之先簪纓奕世業儒登科維公善繼名雖有聞才不大試徒勞割雞未及展驥忠義自許志於有爲利不苟就言無詭隨奏御一封非忠財規俟命不報束裝遄歸道合則從不合則去欣歸里閭笑鄙紉絀如鴻冥冥彼弋何慕鴟鵂翺翔曾不是忘有伸有屈亦理之常賦詠不輟誰云不康若露斯零晞於春陽若蘭斯馨殞於秋霜龜城之東錦津之側水去浩渺山來嶄崱作爲銘詩闕此幽宅

明蜀端王墓在縣東十五里毓靈山麓
蜀昭王墓在縣東二十里東山

黔江悼懷王墓

蜀僖王墓俱在縣東北三十里正覺山

蜀懷王墓在縣東二十里東景山

南川安靖王墓在縣東二十五里東峯山

汶川懿簡王墓在縣東南二十五里靈溪山

內江王世子墓在縣東二十二里東暉山

宋濂墓在縣東十五里初葬夔州永樂閒蜀獻王

命葬於此賜田八十畝以供祭祀

附明劉蔭乞諡疏臣聞之記曰

節以壹惠諡以尊名故生而有爵死則有諡周之道也先王制治謂歆善而恥惡夫人之同情彰善